

- Personalschriften -
 = 54 Nummern, 1628.-1642. J. =

51. Albinus, M. Luv.	44. Heinrich, Sam.	35. Pucklirsch, Jos.
32. 33. 34. } Baldwin, Friedr.	46. Holtzmüller, Joh.	41. Quellmaltz, Luv.
42. Bamberg, Luv. d. J.	29. Horlemann, Andr.	8. Röber, Sabina
26. 27. } Barthmann, Joh.	49. Hülsemann, Johann	45. Schindler-Berg
4. 5. } Biener, Christ.	50. Hlchner, Paul	43. Sperling, Paul
40. Braun, Valmt	7. Johann Georg, Kerfützt	18. Ströer, Matth.
20. Coler, Johann	21. Kirsten, Mart	1. Treutzsch, Chris u. a.
22. Cramer, Theod.	17. Liborius, Joham	11. Ull, Johannes
24. Crusius, A.	16. Macht, Michael	12. ders.
48. Ehrenhold	3. Neefe, Joh. Cusp	25. Wagner, Gotth.
23. Emmerling, Sam.	13. Nigrinus, Wilt	6. Weber, Paul
52. 53. } Ferdinand III	14. ders.	31. Wächinger, Joh.
10. Gärtner, Paul	15. ders.	39. Weiskopff, Joh.
47. Gotterrichtungen, nach Ovidischer Art	36. Plattner, Georg	9. Weller, Jakob
2. Graul, Daniel	37. Polonius, Raph	19. ders.
28. Graul, Daniel	38. ders.	30. ders.

Votivæ acclamationes
Nuptijs

REVERENDI,
HUMANISSIMI, ET PRÆ-
STANTISSIMI VIRI
DOMINI

M. CHRISTOPHORI BIENERI,
Poet. Laur. Cæsarij, Pastoris Ecclesiæ, quæ
Ebersdorffi colligitur, dignissimi,

SPONSI,

Et lectissimæ pudicissimæq; virginis

ROSINÆ

Viri Amplissimi & Prudentissimi

D N. FRIDERICI Ströders

Senatoris Reipubl. Chemnicensis, primarij

filix dilectissimæ,

SPONSÆ,

Ad XIII. Calend. Martij, Anno ære Christianæ

CLIO CXXIX.

CHEMNICII celebrandis,

Boni nominis & ominis ergo scriptæ

Ab amicis quibusdam Chemnicensibus.

Freibergæ Hermundurorum, Typis Geotgij Hoffmani.

Apiarium Stramineum.

Sunt loca, qua monstrant Apiaria Stramine texta,
Sedula mella quibus dulcia condit Apis:
Qua saltus, sylvas, hortosq; peragrat amœnos,
Qui flores redolent, purpureasq; Rosas.
Hunc Rex inter Apes morem servare cupiscit,
Hinc qui Bieneri nomen & omen habet.
Hyblæ latebras nam Stramine texere tentas
Vivo, pro lubitu quò volet & revolet:
Quò tutò Veneris dulcissima mella recondat,
Tutò quò foveat pignora chara thori.
Involat atq; Rosam formosam, Stramine natam,
Stramine, quod totà claret in Urbe satis.
Hæc potior suboles, hæc certo tempore certè
Dulcia mella dabit, pignora chara dabit.
IOVA iuvet, quò sint Apiaria vestra repleta
Melle Dei Verbi, melleq; amoris. Amen.!IOVA iuvet, circum quò tecta Examina ludant,
Qua referunt Patris, oraq; Matris. Amen.!IOVA iuvet, quò felices vivatis in ævum
Hic, & ibi cæli tecta petatis. Amen.!

Ita ioco-seriò ludebat
& vovebat.

M. Sebastianus Hommel Chemnic.
in patria Diaconus,
Anno, quo

Christophorvs Bienervs Roslnam Strœern DVXIit.

Strœerner

Ströerner Bienkorb.

An manchem Orth man Körbe weiß/
Artlich aus Stroh geflochten/
Darin die Bien mit Wunder fleiß/
Ihr Honig thut auskochen/
Daß sie aus schönen Blümelein/
In Gärten vnd in Wäldern/
Sonderlich aus den Röslein/
Wunderlich kan behalten.
Drumb hat Magister Biener auch/
Als ein Weisel in allen/
In acht nehmen wollen den brauch/
In dem ihm wolgefallen/
Aus Stroh ein Bienen Körbelein/
Ihm zu flechten behende/
Da er woll fliehen aus vnd ein/
Vnd Honig machen köndte.
Darumb er Fridrich Ströers Hauß/
Als einen Rosengarte
Besucht/ vnd ihm zeuhet heraus
Ein Röslein fein vnd zarte/
Dis Röslein vnd dis Bienlein klein/
Werden gar gute Sachen/
An Honig vnd jungen Bienlein/
Durch Gottes Gnaden machen.
Gott geb daß ewer Hertz allzeit/
Mit Honig oberfließe
Des Worts / vnd Gottesfürchtigkeit
Vnd rechter Liebesfüße.

):(4

Gott

L. Quid Papa? tun' damnas connubia sancta? jugali
Inque toro castè vivere posse negas?

P. Sic statuo. Nam qui in sociali fœdere vivit,
Non vivit Domino, vivit at ille toro.

L. Toto erras cœlo, Præsul sanctissime, sanâ &
(Scripturâ & memet judice) mente cares.

Conjugium res grata Deo est: qui conjugis usu
Gaudet, is æternum laudat amatq; DEVM.

P. Decredo. Nam cui res fortè domestica curæ est,
Servire æterno qui potis ille DEO?

Quiq; per amplexus it SPONSÆ, vivere castam
Qui potis est vitam, Tute Luthere vide?

L. O caput insanum, Gyaris & verberè dignum!
O dignum risu Pontificale decus!

Cura Domus costæ: sacrorum cura Marito
Mandatur: sic & servit uterq; DEO.

Ibo per amplexus quid tum? num vivere vitam
Non possim castam? qua ratione? doce,

Esse opus impurum dicis: quo teste probabis?
Impurum quod sit, Papa sceleste, nego.

Et licet adjaceat vitæ huic ab origine labes,
Hancce tamen semper copula honesta tegit.

P. Scilicet hæc Mystas; Privatos talia spectant,
Ni Mystas istis dixeris esse pares.

L. Falleris & fallis. Quid HENOCH NOACHUSq; fuere?
An vulgus? Mystæ numné fuere pii?

Conjugij expertus tædas HENOCHIUS olim
Sustulit è casto pignora multa toro:

):(3

Hunc

Hunc tamen at vitæ probitas & amoris honestas
 Ornabat, vivum & traxit ad astra Deus.
 Quid NOAH? num Monachus? non credo. namq; JA-
 Atq; CHAMI & SEMI dicitur esse pater. (PHETI
 P. Rideo. L. Quid rides? P. in sacro codice verbi,
 Rideo, quod puer es; rideo, quod rudis es;
 Non torus HENOCHUM, lascivæ aut copula carnis;
 Sed PIETAS sanctum traxit ad astra virum:
 Nec proles NOHAM, nec blandæ copula carnis;
 Sed PIETAS sanctum reddidit alma virum.
 L. Ploro. P. quid ploras? L. mediâ quod luce tuendo
 Cæcutis; ploro, quod ratione cares.
 Quod torus HENOCHUM, NOHAM vel copula carnis
 Fecisset supero, pectora grata, DEO;
 Hoc ego nec dixi, nec dico. fingere Papæ
 Miscere aut summis prima vel ima licet:
 Sed dixi, dico, dicam. Qui Conjugis usu
 Gaudet, non JOVÆ displicuisse potest.
 Hoc tu Papa negas. Hoc rides Papa, ferisq;
 Fulmine, sed bruto: nos fatuosq; putas?
 P. Non puto, sed dico. Nam quæ fors dicta profaris
 Sensibus omninò vix capis ipse tuis.
 Conjugium laudas, benè, Sed cur Conjugis usum
 Tu violas? voti non memor ipse tui.
 Non tibi Conjugio juncta est Ecclesia? qui ergò
 Ausis uxores ducere lege duas?
 Legibus est vetitum, quod tu quia negligis, à me
 recte accusaris crimine adulterij.
 L. O caput insanum! stolidæ ô rationis acumen!
 Sic adeon' plumbo pectora crassa geris?

Conju-

Conjugium laudo: commendo conjugis usum:
 Et verè voti sum memor ipse mei,
 Uxores quod me binas nugaris habere,
 accusas & me nomine adulterij;
 Hocce tuo pro more facis: sed nil agis: illa
 Nam CHRISTI sponsa est: corporis ista mei.
 Utramq; amplector, cultu sed dispare, Sponsas
 Sic ambire vetat lex mihi nulla duas.
 Hoc quia Tu ignoras, sensu nec percipis; ehem!
 Vin' dicam qui sis Papa? μέγας ὄν.

P. Vah! satis audacter: furijs agitatus & œstro
 Invehis in sacrum, dire Luthere, caput.
 Si Te, (sed præstat mentis componere fluctus)
 Impunè haut ferres: nec mihi, crede, feres.
 Tanta tuæ menti rabies linguæq; flagellum
 Insidet, ut quidquam sævius esse sciam.
 Sed meminisse juvat. Quid ad hæc scelerate profaris,
 Quæ Paulus scriptis prodidit usq; suis:
 Qui cælebs vivit, Domino placuisse laborat:
 Contrà sed Sponsæ quisq; placere studet.
 Rectius ergò Mei faciunt & sanctius. omnes
 Dum vitant dicti vincula Conjugij.

L. Nugæ nugarum! nugis nugaris Alastor.
 O nugæ! nugas desine Papa loqui.
 Sed quia mi fulmen Latium minitaris & ignem,
 Sensibus hæc tantum Papa repone tuis.
 Conjugium res sancta, viris dignissima sanctis:
 Qui subit hoc, sancto perplacet ille DEO.
 Et quid nî placeat, cùm sancti prorsus amoris
 Et fator & fautor creditur esse DEUS,

Hunc Tu cum Monachis cum, foedis Papa Suis
 Proscindis miris dilacerasq; modis.
 Qvis fuit Ezechiel? Tharides quis? Zacharias &?
 Nonne viri juxtâ corq; animumq; DEI?
 Hi non in morem Monachorum cœlibe vitâ
 Sunt usi, verùm foedere conjugij.
 Nec tamen ut reris, foedâ statione manebant,
 Nec summo, ceu vis, displicuere DEO.
 Funigeros laudas fratres, laudasq; Suitas,
 Qveis lascivius est foedius atq; nihil.
 Vin' testem? testem præbet mihi ROMA lupanar:
 Claustraq;, quot, bello Regna subacta, foveant.
 „ Non mendicorum tot sunt stipata pediclis
 „ Pallia, quot Monachum pectora flagitij.
 P. Vah hominem insanum! quid agis maledicte Luthere?
 Siccine tam sanctos tu reverere Patres?
 Claude polum PETRE|O: gladium tu stringito PAVLE:
 Tuq; in subsidium Sancta MARIA veni!
 Hæreticum virus serpit, nos pendit & assis:
 Hic Luther abjectæ conditionis homo.
 Et quia fronte caret, verbum non amplius addam:
 Hæreseos verùm judico, damno, reum.
 L. Ast ego; cùm cœli JOVAM, nec Tartara, curas:
 Quiq; geris Satanæ viq; doloq; vices;
 Qui simul & CHRISTI sed PSEUDOVICARIUS audis,
 Pro summo jactas Te malesane DEO;
 Quod culpas laudanda, probas culpanda; simulq;
 Misces audaci fasq; nefasq; manu;
 Quid dicam? CAPITI CHRISTO adversaris, & inde
 Verè ANTICHRISTI nomen & omèn habes.

P. Ocyus

P. Ocyus ò superi fugite hinc. nos namq; Lutherus
Enecat! ò flammis digne Luthere vale.
L. Antichriste vale: meretrix Babylonia cede:
Et Romæ pontes ditis ad antra strue.

ἄποστολή ad Dn. Sponsum.

TU benè SPONSE facis Latij quod dogmata Papæ
Nil curas: thalami at fœdera casta subis.
Nam Papa quod damnat, laudat DEUS, auget & ornat.
Papa tori semper Rosor & osor erat.
Sed benè, sanctior est nam semper vita jugalis,
Quàm cœlebs flammis flagitiisq; scatens:
ILLA etenim parcè concessio indulget amori:
HÆC verùm stulto semper amore furit.
Jam cesso, & vobis hæc addo: Vestra fVtVra
Sit sine Lite DoMV's: non sine proLe torV's.
Non dolor infestus socialia gaudia turbet:
Non Papa: non pestis noxia, Marsq; furens.

Ex zelo & animo fundebat

Adamus Andreæ p. t. Sch.
Chem. Rector.



Dat Friberga tibi superas venisse sub auras
Agminis & membrum Christicolùm esse facit.
Dat Witeberga artes, largos dat Dresdaq; honores,
Non flocci hæc facies omnia Sponse, puto.
Tandem mellifluam tibi fert Chemniza Rosinam,
Hanc nec pro minimo cernis habere Bono.
Hisce Bonis qui te decoravit Sponse perite,
Plurima nunc addat Rex, Deus Omnipotens.

Hinc

*Hinc Rosa florescat, Verno jam tempore crescat,
Et Sponsus varias colligat inde Rosas.*

M. Christianus Engell

*FLoribus insidit varijs mirandus apum grex,
Plurimus ast apio gaudet, auctq; rosas.
Id circumvolitat, caput his caudamq; recondens
Pro caveis fugit dulcia mella suis.
His sua compositè fufis mellaria complet
Pro victu hyberno, pro dominoq; suo.
Sponsus idem intendit, cui grex apiarius omen,
Cognomenq; sua conditione dedit.
Hic oculis, animoq; hortos lustravit amœnos,
Virginei flores multiplicesq; chori.
Ante alios apium placet & rosa, Sponsa ROSINA
Cuius compleri melleo amore cupit.
Ut sub amara habeat fortuna dulce levamen,
Solamenq; mali sorte tonante sciat.
Compleat hoc, complens DEUS optima cuncta, cupitum,
Et fortunet Apem, prosperitetq; Rosam:
Ut Rosa, qua Sponsa est, vireat, saturetur Apisq;
Que Sponsus, Rosule cordis amore sue.*

Gratulationis & amicitie illibate
notam exiguis his ponebat.

Zachæus Christocrates Faber,
S. S. Theol: stud.

Von der Bienen vnd Rosen.

*Die Biene zwar sich auff viel schöner Blumen setzt/
Doch sehr sich an Peterlin vnd Rosen ergetzt/*

Die

Die fleucht vmb jene / in diese sie sich eindringt /
 Vnd draus das aller süßeste Honig erzwingt /
 Damit füllt sie die Blasz vnd Beinlein wunderlich /
 Vnd leert sie aus hernach in Bienstock ordentlich /
 Auff daß im Winter ihre Nahrung mangle nicht /
 Vnd ihrem Herrn auch ein süß Wäuligen zuricht.
 Eben daher des Herrn Bräutigams Intent herrührt /
 Der von dem Heer der Bienen seinen Namen führt /
 Denn ob er wol mit seinem Sinn vnd Augen beyd
 Vmb Frauenzimmers Garten Blummen ohn vnterscheid
 Beflogen ist / doch haben ihm beliebt allein
 Das kräftig Apium vnd weisses Röslein /
 Nemlich sein Erbar vnd Vieltugendsame Braut
 Benant Rosina / die ihm heute wird vertraut /
 Die sol sein Hertzensgart vnd liebe Rose seyn /
 Dasselb zufüllen mit LiebesHog vnd Honigseim /
 Daß es gescheh / so woll der fromme Himmelwan
 Die Rose stätigs blühn vnd herrlich wachsen lahn /
 Dem Herren Bräutigam glück zu seinem Flug beschern /
 Viel liebes mal vnd Freudenstück darvon gewehren.

Hæc mea sunt
 Mystra verendæ,
 Sponse novellæ,
 Candida vota:
 Hæc mea sunt
 Optima adelphi,
 Sponsa novellæ,
 Candida vota:
 Jova secundæ,

Suggestat atq;
 Plurima vestro
 Plurima honesto
 Commoda cepto.
 Aurea circum-
 Pax habitet - vos:
 Unica sit mens,
 Una fidesq;
 Unus amorq;

Sors

Sors sit & una.
Sponsa ROSILLA,
Sit ROSA semper
Florida, nunquam
Marcida, Sponso.
Sponsus itemq;
Melliferaq;
Instar APIS sit,
Postmodo Sponse.
Vivite lati,
Vivite sani,

Vivite longa.
Tempora vita.
Hac rata sunt,
Sponse novelle,
Hac mea sunt,
Sponsa novella,
Candida vota.
Plura dedissem,
Plura sed ecce
Musa tenella.
Vota recusat.

Fridericus Ströerus Junior
Chemnic, Sponsæ Frater.



F I N I S.

Stadtbibliothek Chemnitz



A 145109 5



SLUB

Wir führen Wissen.



STADT
BIBLIOTHEK
CHEMNITZ



Faint, illegible text in Gothic script at the top of the left page.

Faint, illegible text in Gothic script on the left page.

Faint, illegible text in Gothic script on the left page.

Faint, illegible text in Gothic script on the left page.

Faint, illegible text in Gothic script on the left page.

Faint, illegible text in Gothic script at the top of the right page.

Faint, illegible text in Gothic script on the right page.

Faint, illegible text in Gothic script on the right page.

Faint, illegible text in Gothic script on the right page.

Faint, illegible text in Gothic script at the bottom of the right page.